



明詩正聲卷十二

七言古詩三

廣陵

盧純學

選輯

江一夔

校閱

王英

送彭秀才從大將軍英公征交趾

春雲欲雨半成雪疾風吹衣冷如鐵
平明師出將軍行城頭風高鼓聲咽
將軍自昔膽氣豪身經百戰不辭勞
前年破賊平南交奏凱歸來功最高
去年從征斬驕虜今年又向南交去
幕中



明言上卷
卷之二
賓從多賢良帳下諸軍盡貔虎彭生本是西江
人少年今作幕中賓拂衣仗劍來別我慷慨南
行思致身盡船紅樓照江水中流放歌北風起
魚龍吹浪渡三江旌旆連雲亘千里炎州到日
暮春餘銅柱山高有故墟金戈鉄馬經行處瘴
雨蠻烟盡掃除榕陰滿地花開遍邊人重覩將
軍面將軍令出聲如鍾詞客吟豪眼如電知君
際遇在斯時會見功成日下歸人生富貴須早
致豈是江南老布衣

張寧

自寫松泉圖題以寄意

若欲窮黃河源星槎虎符行路難若欲登蓬萊
山列仙真宰當玄關勁風弱木不堪即飄如落
葉辭柯還故鄉迢迢滄海曲十里青山一茆屋
山下泉聲日夜聞山頭樹色陰晴綠樹色泉聲
春復秋歸雲過月共悠悠乾坤遺我古來物世
間萬事皆浮漚閒時倚望終晨夕轉眼光陰真
頃刻勞逸悲歡各自迷千古浮生如一日如一

日無窮期醉人已醉醒人知涼風蕭蕭吹髮絲
松烟竹露含清滋高山流水從前意綠綺無絃
彈向誰

張靜婉采蓮曲

蘭橈桂槳橫江浦玉露金波花正吐蓮步初從
掌上移柳腰新罷盤中舞腰纖步窄不勝衣霧
縠烟綃颺欲飛雨歇朝雲降巫女月明秋水現
湘妃蓮房已實蓮莖短幽思傷心悄停腕弱腹
羞看翠褉圓柔腸暗逐冰絲斷眼前歌舞易淹
留只恐風光不到頭翠袖香銷紅艷冷無人重
上採蓮舟

劉珣

松徑秋聲

紫苔繞徑塵無跡鬱鬱高松挺秋碧金氣正驕
風滿林渾如萬壑波濤激又如曉日蛟龍吟翠
雲蕩漾江中心倏忽風微更堪聽水絃操出重
華音蓬萊宮闕五雲渺鳴鶴寥寥動瓊島鸞輿
時作靈臺遊應喜秋光在林杪



御溝春水

去歲都城三尺雪御水潺潺凍全結半夜春從
地底回一片菱花暖初裂東風著水水不知穀
紋細細搖清漪退朝閒步石橋上流澌半入昆
明池御林初青照堤岸蕩瀟波心影凌亂青陽
杲杲射員沙幾簇遊魚聚還散太乙東皇隨斗
行韶華拍塞皆春聲臨流攬勝心獨喜物色生
態如有情天潢自是得春早坐想八方春更好
航海番人入貢來萬里川光淨於掃

都門御柳

東風二月午門曉紫禁暄妍暖雲繞玉河堤畔
赤欄橋高柳依依得春早柔條裊娜百尺垂蘸
水點破青玻璃晴烟一抹鎖深碧曉色正與春
相宜臨風忽聽黃鸝轉入望濛濛無近遠鮫鮓
帳薄疑未收翡翠簾輕不堪捲日高頓覺散清
陰無限韶華連上林紛紛萬卉足生意自是皇
家雨露深

李東陽

屠兵來

兒勿啼屠兵來趙宗一綫何危哉千金賣兒兒
不死真兒却在深山裡妾今有夫夫有子死兵
易立孤難九原下報無慚顏趙家此客還此友
穿何故亡盾何走誰言趙客非晉臣當時嬰杵
為何人

淮陰歎

營門晝開齊犬吠蒯生相人先相背古來烏盡
良弓藏近時刎頸陳與張功成四海身無地歸
楚楚疑歸漢忌極知猶豫成禍胎時乎時乎不
再來君王恩深辯士走淮陰胃中血一斗婦人
手執生殺機赤族不待君王歸君王歸神為惻
獨不念秋毫皆信力舍人一嗾彭生殂淮陰之
辭真無無嗚呼淮陰之辭真無無

馮婕妤

圈門晝開熊不守婕妤當前衆嬪走荷君光寵
捍君危不然安用賤妾為君身如山妾如葉君
有不虞安置妾亦知倉卒非賈恩恩多妬深翻

明妃怨
在睫馮婕妤昔非勇今非怯掖庭佞兒何啜啜

莫倚朱顏好妍媸無定形莫惜黃金貴能為身
重輕一生不識君王面不是丹青誰引薦空將
艷質惱君懷何似當初不相見君王幸顧苦不
早不及春風與秋草却羨蘓郎男子身猶能仗
節長安道休翻胡語入漢宮祇恐伶人如畫工
畫工形貌尚可改何況依稀曲調中

花將軍歌

花將軍身長八尺勇絕倫從龍度江江水渾提
劍躍馬走平陸敵兵不能逼主將不敢嗔殺人
如麻滿川谷徧體無一刀鎗痕太平城中三千
人楚賊十萬勢欲吞將軍怒呼縛盡絕罵賊如
狗狗不狺檣頭萬箭集如蝟將軍額死不顧生
作他人臣郤夫人赴水死有妻不辱將軍門將
軍侍婢身姓孫收屍葬母抱兒走為賊俘虜隨
風塵寄兒漁家屬漁姥死生已分歸蒼旻賊平
身歸竊兒去夜宿陶穴如生墳亂兵爭舟不得

渡墮水不死如有神浮槎為舟蓮為食空中老
父能知津孫來抱兒達行在哭聲上徹天能聞
帝呼花雲兒風骨如花雲手摩膝置泣復嘆雲
汝不死猶兒存兒年十五官萬戶九原再拜君
王恩忠臣節婦古稀有嬰杵尚是男兒身英靈
在世竟不朽下可為河嶽上可為星辰君不見
金華文章石室史嗟我欲賦豈有筆力回千鈞

瀟湘八景圖

鴛溪白練長如許半畫峰巒半洲渚恍然置我

瀟湘間坐對溪山作賓主洞庭茫茫遙接空湖
水下與長江通千林無人萬籟寂海月照見蛟
龍宮舟中夜雨巖前雪更道四時風景別牧唱
漁歌遞往來僧鐘社鼓無年月七千里外江南
遊四十五年空白頭每向畫圖談往事却從天
際認歸舟歸舟不掛三湘水指點丹青問桑梓
回鴈峰頭一鴈飛南樓昨夜秋風起

丘濬

采蓮曲

蓮花紅蓮葉碧紅似妾容粧碧如妾裙色輕紅
易落碧易衰情人道來竟不來停橈轉棹日過
午藕絲斷盡蓮心苦

梁潛

漁父辭劍圖為胡學士題

日落昭關暮烟紫東望吳中一千里江濤怒湧
如雪山我無羽翼高飛難感君意氣一回顧度
却洪濤心更苦腰間寶劍能言語解贈向君肝
膽露丈夫相遇心相知傾情倒意何所疑窮途
倉惶足悲慨此去道途猶險巖水有蛟龍山有
虎知爾千愁復萬慮還君寶劍慎周防荆門路
斷魂茫茫

石珪

朱仙豪客歌

北風吹塵江水竭萬里行人鴈書絕龍亡虎逝
山河裂英雄掩面空啼血城門土赤胡霧腥塞
草今非一塚青頗聞淵聖髮已星日夕但望南
來兵吁嗟將軍勿南行千載一朝勢已成兀术

夜遯中原平誰持金字符絡繹走軍營吾將磔
汝萬段投饑鷹將軍得制閫外事姦臣誤國安
可憑吁嗟將軍勿南行

清夜遊

宮夜泠泠月華白嬌騎踏空紅墮雪西園門外
鼉鼓聲十六院中樂齊發楊郎蕭郎各一席千
牛齧臂宮娃泣坐中誰是陳宣華寶帶猶拴繡
襦結芰荷風柔酣海霞錦繒綳樹啼雙鴉侍臣
自舞王自歌蜥蜴香消金縷紗佛經僕射呼不
起梁燕才人竟冤死潼關烽火照宮紅猶自心
輕漢天子龍舟翩翩蔽白日醉擁笙歌南下疾
一聲悲鐸不堪聽至今江柳生愁色

傷歌行

葉落花殘君不見春來秋去如飛電富貴千年
劫火灰丘陵幾度桑田變五侯高樓臨大道寶
釵金鈿埋秋草張放寧知金穴平楊家一旦冰
山倒君當荒塚饒荆棘當年俱有迴天力勸君
對酒且高歌莫負庭前芳草色

楊守陳

送人戍臨洮

秋日皜皜霜露稀
秋江水落鴈鳧飛
遠客孤舟下南浦
臨風解纜情依依
問君西遊向何處
云向臨洮戍城去
洗馬初翻浙海波
鳴鞭漸拂秦山樹
秦山西連隴山道
滿地黃雲和白草
烏鼠三秋雨雪深
魚龍十月凝冰早
冰雪連營歲已殘
將軍猶欲斬樓蘭
彎弓邏沙城頭路
掛劍條枝海上山
君時談笑青油幕
夜枕雕戈曉橫槊
功成凱奏拜侯封
衣冠盡在麒麟閣

張弼

絡緯詞

絡緯不停聲
從昏直到明
不成一絲縷
徒負織作名
蜘蛛聲寂寂
吐絲復自織
織網網飛蟲
飛蟲飛蟲足
充食事在力
為不在聲思
之令人三嘆息

張琦

誤馬曲

郎騎白馬若練帶
青絨作繮玉為轡
別時馬前

明言正考 卷之三
細屬目郎心或改馬色在大行山頭烟霧深馬
色亦似遊人心終日出門望白馬浮雲細草何
陰陰占鷄卜響皆不定鬼神那識楊花性思君
白髮千丈生蘭花無香藕花病人生不如鶯子
飛朝啣青蟲傍壘歸儂家花落葉滿樹郎騎白
馬西家去

山中歌

深山古苔滿地碧淺山流泉走白石深山不接
淺山雲今人還尋古人迹漆園先生竹皮冠笑

蓉衣薄秋風寒秋風寒欲歸去昏鴉棲滿溪頭
樹

何起直

夜宿漁家

青山前頭小茅屋短短踈籬護修竹江空日落
不見人行人尋傍漁家宿老翁見客辭禮踈白
頭倒裹單紗烏自云鄉村絕沽酒香羹暮煮松
江鱸海月流光照衣濕請君穩睡南邊室細將
蒿蓼塞窗櫺莫遣腥風夜吹入明朝淨洗小漁

船送君直到長沙邊

岳正

短短林

短短林太跼促徒能坦郎腹未得展郎足縱郎
有意為合歡林短安能薦郎宿

張旭

假髻曲

東家美人髮委地辛苦朝朝理高髻西家美人
髮及肩買粧假髻亦峨然金釵寶鈿圍珠翠眼

底何人辨真偽夭桃窓下來春風假髻美人歸

上公

漁舟

溪光欲沉風色惡後船來傍前船泊老婦煮糜
糜太薄船頭大孛先一杓蓬底小孛苦啼索須
待郎食為汝嚼連日天寒魚數縮買酒無資人
寂寞還勝趨官走城府忍凍吞饑受鞭扑嗚呼
競唱漁家樂

沈周

隋宮圖

誰云玉樹無人續馬上還聞夜遊曲君王不自
固苞桑却道雍州能破木楊花千里撲離宮富
貴濃酣似夢中百隊蛾眉皆鬪月千林彩樹不
驚風悲懽只在循還裡莫道征遼偶然耳鹿車
載怨重於山人心未愜遼東死一聲桃李天下
知皇后自將神器移漳南未顧鼠竊計太原已
及龍飛時如何只醉揚州酒酒杯在前兵在後
白練天教泄勇寃醉骨沉沉當速朽孤墳窳莫
向雷塘秋螢星散已無光惟餘二十四橋月獨
照遊魂歸洛陽

西山有虎行

西山人家傍山住唱歌采茶山上去下山日落
仍唱歌路黑林深無虎慮今年虎多令人憂遶
山搏人茶不收墻東小女膏血流村南老人空
髑髏官司射虎差弓手自隱山家索鷄酒明朝
入城去報官虎畏相公今避走

李夢陽

自從行

自從天傾西北頭天下之水皆東流若言世事
無顛倒竊鈎者誅竊國侯君不見奸雄惡少推
肥牛董生著書翻見收鴻鵠不如黃雀啁盜蹠
之徒咲孔丘我今何言君且休

寶刀篇

我有吳王雙寶刀龍鱗雪花爛照地奉君清宴
可君意佩之十年不曾離黃金鞶帶白玉鈎出
入魍魎魅愁功高見疑反遭怒此物拋擲今

兩秋丈夫生世輒軻亦如此終日戚戚何為爾

奉送大司馬劉公歸東山草堂歌

東山有草堂縹緲雲嶠孤前對祝融峰下瞰巴
陵湖明公昔時此堂居麋鹿熊豕當窓趨洞庭
日落風浪湧倒影射堂堂欲動慘淡誰聞紫芝
曲獨善不救蒼生哭先帝親裁五色詔老臣曾
受三朝祿此時邊徼多戰聲曳履謁帝登承明
謝安笑却淮淝敵魏相坐測單于兵九重移榻
數召見夾城日高未下殿英謀密語人不知左

右微聞至尊羨自後龍去不可攀公亦卧病思
東山湘娥含咲倚竹立山鬼窈窕堂之側上書
苦死只欲歸聖旨優容意悽惻內府盤螭縷金
織賜出傾朝皆動色白金之鏈紅票記寶鈔生
硬鴉翎黑崇文城門水雲白是日觀者塗路塞
城中冠蓋盡追送塵埃不見長安陌人生富貴
豈有極男兒要在能死國不爾抽身早亦得君
不見漢二疏千載想慕傳畫圖即如草堂何處
無祿食覩竊胡為乎乃知我公真丈夫嗚呼乃
知我公真丈夫

朝飲馬送陳子出塞

朝飲馬夕飲馬水鹹草枯馬不食行人痛哭長
城下城邊白骨借問誰云是今年築城者但道
辭家別六親寧知九死無還身不惜身為城下
土所恨功成賞別人去年賊掠開城縣黑山血
迸單于箭萬里黃塵哭震天城門晝閉無人戰
今年下令修築邊丁夫半死長城前城南城北
秋草白愁雲日暮鳴胡鞭

石將軍戰場歌

清風店前逢父老告我已巳年間事店北猶存
古戰場遺鏃尚帶勤王字憶昔蒙塵實慘怛反
覆勢如風雨至紫荆關頭盡角吹殺氣軍聲滿
幽朔胡兒飲馬彰義門烽火夜照燕山雲內有
于尚書外有石將軍石家官軍若雷電天清野
曠來酣戰朝廷既失紫荆關吾民豈保清風店
牽爺負子無處逃哭聲震天風怒號兒女牀頭
伏鼓角野人屋上看旌旄將軍此時挺戈出殺
胡不異草與蒿追北歸來血洗刀白日不動蒼
天高萬里烟塵一劍掃父子英雄古來少天生
李晟為社稷周之方叔今元老單于痛哭倒馬
關羯奴半死飛狐道處處謹聲噪鼓旗家家牛
酒犒王師休夸漢室嫖姚將豈說唐朝郭子儀
沉吟此事六十春此地經過淚滿巾黃雲落日
古骨白沙礫慘淡愁行人行人來折戰場柳下
馬坐望居庸口却憶千官迎駕初千乘萬騎下
皇都乾坤得見中興主日月重開再造圖梟雄

不數雲臺士楊石齊名天下無嗚呼楊石今已
無安得再生此輩西備胡

送仲副使赴陝西

驄馬白玉鞭長鳴下雲端今朝發汴水何日到
長安孝王臺前雪如山垂楊掃地春風還使君
不帶冰霜色却帶春風入漢關相思明月樓西
望古秦州河南咫尺不可見何況千山萬水頭
西望秦州是我鄉隴樹秦雲空斷腸褰帷杖鉞
經行地欲寄雙魚到慶陽

楊花篇

洛陽三月東風起楊花飛入千門裏只見朝縈
上苑烟那知暮逐東流水苑烟流水無休歇暖
日輕盈度仙闕趙女瑤臺貯綵霞班姬團扇啼
明月綵霞明月幾沉輝陌上行人亂撲衣征夫
柳塞愁看鴈少婦香閨嬾上機柳塞香閨萬餘
里草色連天度隴水玉門關外雪猶飛章臺樹
裏風先起誰家浪子千金馬平明挾彈章臺下
頭上羅巾玳瑁簪腰間寶鈿珊瑚靶踏絮來尋

賣酒家持香坐調當壚者當壚美人怨陽春咲
掇楊花襯綉茵青樓薄暮難消遣白雪漫天愁
殺人冥冥漠漠春無極此時惟有楊花色一朝
風雨蘼蕪爛獨慘垂條三歎息

明星篇

正德間早起聞內教場砲響聲作

明星出地一丈高天門沉沉魚鑰動沙堤露下
玉珂寒直廬鷄唱金蓮重千門萬戶曉鐘發明
星漸高河漸沒燦爛疑侵翔鳳樓依稀故抱飛
龍闕鳳樓龍闕帶層城翠輦朱衣夜夜行黃昏
競奏催花宴天明猶聽打球聲蘭煙桂火輝如
日明星迢迢照不入百子池頭青草生長信宮
中紫苔集草色苔香秋復春此日乘槎若問津
明星曉落宵還見白髮黃金愁殺人

漢京篇

漢京臨帝極複道衆星羅烟花開甸服錦繡列
山河山河自古稱佳麗城中半是王侯第峻閣
重樓夾道懸雲房霧殿森虧蔽牧豚賣珠登要
津樊侯亦是鼓刀人時來叱咤生風雨奄見吹

嗟走鬼神平津結兄蓋侯弟杯酒相看何意氣
執鞭盡是虎賁郎守門不說長安尉長安烽火
入邊城挺劍辭君萬里行去日千官遮馬餞歸
來天子降階迎朱弓尚抱流沙月寶缺長飛瀚
海星不分燕然先勒石直教麟閣後標名豈知
盛滿多仇忌可惜榮華如夢寐地宅田園奪與
人丹書鍊券成何事霍氏門墻狐夜號魏其池
館長蓬蒿三千劍客今誰在十二朱樓空復高
後車不解前車覆又破黃金買金谷洛陽亭榭
與山齊北邙車馬如雲逐陰郭豪華真可憐雲
臺將相珥貂連當時却怪桐江叟猶着羊裘傷
帝眠

去婦詞

正德元年戶部尚書韓文暨內閣
師保咸相繼去位作此

孔雀南飛雁北翔含顰攬涕下君堂繡幙空留
並菡萏羅袂尚帶雙鴛鴦菡萏鴛鴦誰不羨人
生一別何由見只解黃金頃刻成那知碧海須
史變賤妾甘為覆地水郎君忍作離弦箭憶昔
嫁來花滿天賤妾郎君俱少年瑤臺築就猶嫌

惡金屋粧成不論錢重樓複道天中起結綺臨
春照春水宛轉流蘇夜月前萋迷寶瑟烟花裏
夜月烟花不相待安得朱顏常不改若使相逢
無別離肯放馳波到東海薄命難教娣姒知衰
年恨少姑嬈在長安大道接燕川鄰里携壺舊
路邊妾悲妾怨憑誰省君舞君歌空自憐郎君
豈是會稽守賤妾寧同會稽婦郎乎幸愛千金
軀但願新人故不如

明詩正聲卷十二

明詩正聲卷十三

七言古詩四

廣陵

盧純學

選輯

江一夔

校閱

何景明

大梁行

朝登古城口夕藉古城草日落獨見長江流塵
起遙觀大梁道大梁自古號名區富貴繁華代
不殊高樓歌舞三千戶夾道烟花十二衢合沓
輪駟交紫陌鳴鐘暮入王侯宅紅粧不讓堂中

人珠履皆為門下客片言立賜萬黃金一咲還
酬雙白壁帶甲連營殺氣寒君王推轂將登壇
彎弧自信成功易拔劍那知報怨難已見分符
連楚越更聞飛檄救邯鄲一朝運去同衰賤意
氣英雄似驚電楊花飛入侯嬴館草色萋迷魏
王殿萬騎千乘空雲屯綺構朱甍不復存夜雨
人歸朱亥里秋風客散信陵門川原百代重回
首宋寢隋宮亦何有遊鹿時銜內苑花行人尚
折繁臺柳繁臺下接古城西春深桃李自成蹊
朝來忽見東風起薄暮飛花滿故堤

寄李空同

黃河臘月冰十丈縱有鯉魚那得上楚天鴻雁
避霜雪未得逢春難北向康王城邊沙草曛梁
王臺上多暮雲野人歲晚誰相對桐柏山中空
憶君

歲晏行

舊歲已晏新歲逼山城雪飛北風烈徭夫河邊
行且哭沙寒水冰凍傷骨長官叫號吏馳突府

帖連催築河卒一年徵求不少蠲貧家賣男富
賣田白金緞有非地產一兩已值千銅錢往時
人家有儲粟今歲人家飯不足飢鶴翻飛不畏
人老鴉鳴噪日近屋生男長成娶北鄰生女落
地思嫁人官家私家各有務百歲豈止療一身
近聞狐兔亦徵及列網持矰徧山域野人知田
不知獵蓬矢桑弓射不得嗟吁今昔豈異情昔
時新年歌滿城明朝亦是新年到北舍東鄰聞
哭聲

歸來篇

君不見陶公飲酒負奇氣平生下筆五千字不
肯上書干明主安能束帶見小吏歸來不顧千
頃田但願囊中有酒錢兒女委身事權貴摧眉
折腰誠可憐朱君雄豪氣如虎風期直與陶公
伍青袍銀帶不復視壯年棄官如棄土雅性好
酒兼好文眼中富貴豈足論五花換酒召賓客
千金買書遺子孫人生百歲終蕭索如子從容
胡不樂未似原生少宿儲却比蘇家多負郭長

明言上卷
安陌上久離羣予亦還山卧白雲南巖桂樹花
自羨歲晚相看一望君

盤江行

四山壁立色如赭盤江橫流絕壁下驚濤赴壑
奔萬牛峻坂懸空容一馬危叢古樹何陰森尋
常行客誰敢臨徭婦清晨出深洞虎辟白晝行
空林沉潭之西多巨石短棹輕舟安可適日光
射壁蠻煙黃雨氣蒸江瘴波赤土人行泣向我
云此地前年曾敗軍守臣祗知需貨利將士欲
苟圖功勳英雄謨策自有術竄婦奸男何足論
雲中鼓角連雲起陣前臨山後臨水烹龍釀酒
日酣樂傳箭遺弓尚驚喜戰馬俱為山下塵征
夫盡向江中死遂令狐豕成其雄屠邊下峇轉
相攻千家萬家鷄犬盡十城五城烟火空夕陽
愁向盤江道黃蒿離離白骨槁魂入秋空結怨
雲血染春原長冤草只今夷虜來歸王高墩短
塹今已荒牧童驅羊上塋塚田父牽牛耕戰場
惟有行人行嘆息聞說盤江淚沾臆

邯鄲行

邯鄲道上車馬多行人夜火渡漳河邯鄲女兒
年十五能彈琵琶善歌舞青燈朱戶夜當壚壚
頭酒熟喚客沽玉壺繫絲為君擊不妨醉向邯
鄲途君不見邯鄲市昔日繁華安可擬鳴鑿佩
玉青雲間鬪鷄走馬紅塵裡平原門前客如雲
千載淒涼竟何是黃金白壁成飛灰歌臺舞榭
空流水傷心萬事俱可嗟草長叢臺白日斜廢
苑當時在何處舊宮今日作誰家古來富貴俱
寂寞有酒樽前胡不樂

田子行

君不見黃河西來北入海千載却倒東南流淮
水如絲納九曲桐柏山作崑崙丘我家清淮邊
君家大河側開闢二水今合同人生變化無南
北田子之生河降神十五手掣生麒麟二十辭
家觀國賓三十謁帝為近臣赤墀青瑣日月上
金馬銀臺河漢津自矜一身遇明主便欲登天
叩天鼓天門盡閣守虎豹雩師屏翳雷公怒烟

氣縹緲隨飛龍電光閃爍咲玉女太清星辰下
羅列歛忽閭闔生風雨丹誠不回白日照杞國
憂天獨勞苦我持彤管雙鳳翎浮沉帝旁戲紫
庭文園著書久消渴據地酣歌常不醒長安少
女花在側茂陵美妾空娉婷漢皇不好相如賦
方朔誰知是歲星愛君襟期特竒邁諫垣給舍
持風采平生古今開萬卷搖筆風雷動五彩致
君堯舜豈無術許身稷契終難改袖中一札諫
獵書三歲磨滅未見採鍊石何時更補天銜沙
枉自思填海君不見楚人當時不識玉海客無
心采明月明珠暗投反按劒白璧三獻還遭刑
連城高價後始定照乘竒光有時發鳳凰不及
鷓鴣鳴駑駘却咲驂騑拙君不見長孺從來咲
積薪公孫布衣為漢臣千秋開口取卿相董生
白頭甘賤貧萬言不如一言重直弦曲鈎安可
論賈生何能善絳灌任安徒事衛將軍我今與
子俱落魄遇飲悲歌慨今昔咸陽酒客五花馬
邯鄲博徒千金擲古來豪俠亦可喜可憐聖賢

皆厄塞豫章干雲世希用龍泉貫斗人難識神
駿番為轅下駒冥鴻已愧籠中翼出門與子常
相憶清淮大河見顏色

俠客篇

朝入主人門莫入主人門思殺主仇謝主恩主
人張燈夜開宴千金為壽百金錢秋堂露下月
出高起視廐中有駿馬匣中有寶刀拔刀躍馬
門前路投主黃金去不顧

車遥遥

寒雞喔喔知夜半鄰翁舂糧婦炊飯僕夫聞雞
趣車起欲明未明行十里火輪飛出扶桑霞羲
和騎龍鞭日車君看日夜無閑時我車安得常
在家

柳絮歌

長安三月百花殘滿城飛絮何漫漫千門萬戶
東風起陌上河邊春色闌美人高樓鎖深院白
花濛濛落如霰晴窓窈窕朝日遲亂入簾櫳趁
雙燕遊絲相牽時裊裊委地飄廊不須掃君不

見江頭綠葉吹香綿隨波化作浮萍草

樂陵令行

山東郡縣一百八無有一城無戰場到今漂血
成野水如山白骨橫秋霜雲臺功高將不收投
筆亦有書生謀黃金大印賜豪貴白面豈得言
封侯唐朝公卿集如雲平原太守名不聞二十
四城見賊走抗城乃是平原守君不見前者寇
盜時縣吏州官各亡命北梁白馬終日行濟上
黃旗錯相映不聞開門戰但聞開門迎嗟吁平

原太守樂陵令

垓下行

咸陽原上失秦鹿戍夫入關競馳逐君王自負
十尺軀傷人更訝重瞳目橫行按劍一何威叱
咤四海隨指揮諸侯西向受金印壯士東歸盡
錦衣陰陵道中夜失援垓下孤軍獨迎戰百萬
王師來震天八千子弟隨飛電自言百戰當一
身寧知一敗損威神美人帳下看無主駿馬江
邊棄與人楚歌聲高暮雲佇孤燈對酒慘不語

盖世英雄力拔山，一夕悲哀淚如雨。君不見三
軍縞素行負歌，烏江不渡愁風波。古來失道衆
所棄，父老雖憐將奈何。

明月篇

長安月離離，出海嶠遙見層城隱。半輪漸看阿
閣銜，初照瀲灩黃金波。團圓白玉盤，青天流景
披紅蘂。白露含輝沉紫蘭，紫蘭紅蘂西風起。九
衢夾道秋如水，錦幌高衾香霧開。瑣闥斜映輕
霞舉，霞沉霧落天宇開。萬戶千門月明裡，月明
皎皎陌東西。栢寢岩堯望不迷，侯家臺榭光先
滿。戚里笙歌影乍低，濯濯芙蓉生玉沼。娟娟楊
柳覆金堤，鳳凰樓上吹簫女。蟋蟀堂中織錦妻
別有深宮閉深院，年年歲歲愁相見。金屋螢流
長信階，綺櫳燕入昭陽殿。趙女通宵侍玉床，班
姬此夕悲團扇。秋來明月照金徽，榆黃沙白路
逶迤。征夫塞上憐行影，少婦窓前想畫眉。上林
鴻雁書中恨，北地關山笛裡悲。書中笛裡空相
憶，幾見盈虧淚沾臆。紅閨貌減落春華，玉門腸

明言口卷
卷之十三
斷逢秋色春華秋色遞如流東家怨女上粧樓
流蘇帳捲初安鏡翡翠簾開自上鈎河邊織女
期七夕天上嫦娥柰九秋七夕風濤還可度九
秋霜露迴生愁九秋七夕須臾易盛年一去真
堪惜可憐揚彩入羅幃可憐流素凝瑤席未作
當年賣酒人難邀隔座援琴客客心對此嘆嗟
陀烏雀南飛可柰何江頭商婦移舫待湖上佳
人挾瑟歌此時憑闌垂玉筋此時滅燭斂青娥
玉筋朱顏苦緘怨緘怨含情不能吐麗色春妍
桃李蹊遲輝晚媚菖蒲浦與君相思在二八與
君相期在三五空持夜被貼鴛鴦空持暖玉擎
鸚鵡青衫泣掩琵琶絃銀屏忍對笙篴語笙篴
再彈月已微穿廊入闥靄斜暉歸心日遠大刀
折極目天涯破鏡飛

相思行寄中州和大齡

與君一別後兩見滌花開花落自春色思
君高卧梁王臺梁王臺深三尺雪哀絲急管緣
雲切至今風流空耳聞祇見高臺上新月明月

照君心手彈綠綺琴夜靜聲激烈誰為聽君音
罷琴對酒還復歌春風萬里吹黃河相思欲見
知何地雪臺竹色今如何

行路難

牀有織綺篋有織素請君視綺還視素憐新不
如莫棄故樽中有酒盤有食聽我為歌行路難
衆中懽樂多志氣豈知他人不得意白日有時
不照地安能保君常不棄天河熒熒西北轉織
女牽牛不相見由來天上亦別離何怪人間有
悲怨世情磷薄惡衰賤駕車馳馬如雷電少年
不得君愛惜紅顏勝人亦何益

吳偉飛泉圖

長安獨過田子舍留我一翫飛泉畫絕壁如聞
風雨來晴天安得蛟龍挂吳生跌宕得畫理潦
草落筆皆可喜飛泉却出沓嶂間山即真山水
真水客堂六月生晝寒耳中彷彿高江灘江灘
窈窕不可測波濤洶湧多竒觀泉邊三老顏色
異偶坐似是莊與惠萬里誰論到海心百年詎

識臨淵意偉哉田子今儒宗文標南指匡廬峰
不須對此更惆悵會看瀑布青天上杉風松日
隔縹緲雲龍雪瀨何雄壯我常夢往神空向豈
無吳生好手筆為我寫寄廬山障

顧璘

送沐將軍兄弟歸滇

將軍白晳美青年滇南世世操兵權 君王重
是攀龍喬推轂親呼玉案前搖旌擊鼓歸荒服
駐節張油向宗國五鼎陳牲入舊祠萬燭迎鑾

出華屋城頭日出征馬鳴五侯供帳花連營紫
衣官妓呈瑤瑟錦帶家奴抱玉瓶曲罷揚鞭凌
遠道萬里長風動秋草土吏椎牛勞後車山氓
驅象迎前燾諸蕃叩地當行軒世世樂受君家
恩古來卻穀稱儒將誰似風流在一門

王九思

睹官軍赴潁上歌

銀鞍繡甲劍在腰馬鳴十里風蕭蕭羽旗猶轉
杏花塢鐵騎先過楊柳橋將軍妙手逞轉捷一

箭飛落隻皂鷗道傍觀者衆如堵奔走流汗喜
欲舞老父嘆息忽不樂暮年今見持戈斧七日
賊圍潁上縣一縣萬人命如線聞說提兵李僉
事日夜登城奮孤戰城中婦子愁唧唧恨不人
人生羽翼晨炊走汲井水竭夜號聲繞春雲黑
步兵間道單身出簡書馬上飛來急豈謂轅門
坐風雨不念愁城卧荆棘叢侍郎馬都督請君
蚤發元戎燼淨掃烟塵四十里我亦西歸杜陵
曲

擬白紵舞歌詞

吳姬越女天下無生綃素絲冰雪膚鳴環曳履
當座隅為君舞向紅氍毹錦瑟瑤箏樂與俱媽
然一笑千斛珠君今不飲西日徂

隆慶貞女辭

妾身已許君君死不待妾羞將往日憶君心縫
裳又作他人業妾心已逐君君死妾已絕生不
同室死同穴與君化作雙蝴蝶連理枝頭相逐
飛萬歲千秋永不滅

邊貢

題金谷園圖賦得綠珠怨

誰言妾命薄結髮承主恩誰謂妾身輕寵冠金
谷園園中桃李千萬樹對妾妍華避無處徘徊
歌舞曲未終門外戰鼓聲逢逢當時只倚紅顏
貴豈料紅顏為主累主家高樓天與齊妾身不
惜委黃泥他生願作銜泥燕長傍樓中梁棟棲
病婦行為悼功甫悼亡

妾婦郎才十五辛苦為郎立門戶舅喪未了復
姑喪十載牛衣一環堵薦書初下郎有名寒冬
携妾來京城可憐弱質犯霜雪春花一夜成秋
零左攬兒右牽女淚濕枕花紅淒淒背燈語招
魂須故衣埋骨須故鄉郎恩豈云薄妾命自不
長解錢繫兒襍留市梨和棗拔釵穿女裳留作
嫁時粧兒女勿啼男勿哭喪車不反泉臺轂

送馬敬湖赴湖南提學

征馬帶落日出門君已遙層城不隔夢夜度蘆
溝橋蘆溝橋邊車簇簇故人却在城南宿誰令

相見轉多情翻恨遲行不如速江漢風烟遲早
春關山雨雪暗邊塵臨岐莫動殊方感予亦東
西南人

朱諫

松月軒為甌城黃應律賦

昔年我作城中客曾向君家看月色君家明月
在長松松樹高標百千尺十年不接松下杯月
明還過松間來人生聚散若浮梗仰看明月令
人哀軒中主人蓬萊仙舊時青鬢今皤然松花
酒熟作高會海月常向尊中圓

聽呂秉建彈三絃

三絃本是胡家樂誰與流傳到南越清歌妙手
坐繩牀午夜高樓對明月初聞環珮鳴仙子空
中行綵雲吹未散羅襪香塵生忽如猛將馳甲
兵萬騎鉄馬相縱橫塞旗直出玉關道瞑目叱
咤龍沙亭悲來轉作戍婦愁關山月照塞草秋
鴈度瀟湘惜孤影猿啼三峽澄江流劃然一聲
震高木子規啼裂山頭竹銀河倒翻折木津天

孫似向樓邊哭山中秋氣如水涼邀君且就樓
中宿絃停月落簾半垂童子燒茶茶正熟

王守仁

廬山東林寺次邵二泉韻

昨遊開先殊草草今日東林遊始好手持蒼竹
撥層雲直上青天招五老萬壑笙竽松籟哀千
峰掩映芙蓉開坐俯西巖窺落日風吹孤月江
東來莫向人間空白首富貴何如一杯酒種蓮
栽菊兩荒涼惠遠陶潛骨同朽乘風我欲還金
庭三洲弱水連沙汀他年海上望廬頂烟際浮
萍一點青

朱應登

函谷關歌

朝出洛陽城暮投函關道函關日落行人稀滿
目黃雲暗秋草此地古來西屬秦崩城敗壁猶
嶙峋牛車冉冉行不盡更愁恠石摧車輪只今
豺虎正縱橫羽檄星馳大點兵徼巡司吏督責
苦關下居民日夕驚疎林漸指新安麓夜火人

歸茅店宿鷄鳴客起四散分令人忽憶孟嘗君
左國璣

別南塘子

五月麥熟繭繰絲黃鸝啄榭鳴桑枝南風送帆
五兩急吳江酒船初到時牛車日轉曹門進鼓
市樓西集成鎮金椎初破紫泥封玉壺瀉出黃
金嫩當年交結十輩豪鞭撻楊馬雄風騷激遮
直上酒樓去意氣掃拂天雲高當樓艷婦調金
瑟袒博喧呼動阡陌銀燭燒殘北闕星織歌舞
落西山月聞君高誼非常流意氣傾倒山為投
片言貴合萬金小一斛可散千春愁我今生年
已半百種種顛毛欲成雪可惜腰間玉轆轤光
芒猶見秋煙白閑來解贈南塘君看我劔上搖
星文不用千金荅高價但博壚頭一醉醺兩都
詞賦何勞獻五軍大燾何須建一息春雷我自
酣百年事業君應見此回酒船何日來望君日
上梁王臺迷留且作哺糟客可是千秋冠古才
孫一元

泛高士湖

正德乙亥春予與石川子泛舟西湖時
石川子着方山冠予戴華陽巾被高士
服把酒四望顧謂石川子曰昔李白與
尚書郎張謂泛沔州南湖今改為郎官
湖今日予與子游西湖固可為高士湖
矣石川子一大咲酌酒于湖命予作詩
紀之時已爛醉信口成篇不竄一字

我聞唐家李白一世賢郎官之湖至今傳我今
與子繼其跡盛事豈許昔人專方冠野服興不
淺駕舩載酒凌蒼烟千山萬山兩岼如群龍蜿
蜒盡在几席前青天落杯底白日行舟邊鼃鼃
突兀波面出大魚小魚爭避舩君把斗酒我歌
扣舷天風下來雲葉翩翩爛醉騎鯨遊崑崙顛
謝鮑山人采松花見寄

山人縛屋黃山顛青松萬株盤屋前春風摘取
花滿裘逢人遙寄吳門仙吳門仙人身已輕服
花更覺靈氣生白日獨坐苦木下滄海如席龍

不鳴昨夢訪君松樹樾赤脚踏雲石苔滑天風
颯颯吹欲醒歸來松際留明月

黃山歌

黃山截薛幾萬里亂峰如龍矗雲起晨昏日月
轉山腰三十六軸盤地底崑崙瀚澗氣勢來衡
嶽匡廬遠相倚長年冥濛飛烟霞白日雜還走
麋鹿玉泉丹砂鍾靈根芝草琅玕長不死中有
高人事隱棲縛屋開門亂雲裡崖木野藤時作
花澗水泠泠石齒齒牀頭木瓢白石鐺簷頭甕
牖烏皮几避世應同尸鄉翁著書還擬鶡冠子
我亦乾坤放逸人探竒名山興未已落日長歌
招隱詩采藥尋君從此始

謝鐸

都門別意

黃金臺上春雲煖黃金臺下春水滿水邊楊柳
亦無情眼看離愁不相管離筵把酒還載歌歌
聲半逐東風緩酒闌相顧兩茫然芳草依依青
不斂

陳橋驛

陳子經續編北綱目郭威澶州例書周
使趙匡胤帥師禦漢至陳橋匡胤自立
而還今續綱目不書

六軍謹傳冊天子帳中點檢呼不起黃袍在篋
詔在袖吁嗟倉卒誰辨此君不見吾兒不可君
自取赤心諸葛寧有死誰哉正色書澶州紫陽
以降無春秋

明詩正聲卷十三

